

საერთო საგნები

## **კულტურული მემკვიდრეობა და თანამედროვეობა**

### **Cultural Heritage and Modernity**

კურსის გამოკვეთს თანამედროვე ეპოქაში კულტურული მემკვიდრეობის მნიშვნელობას და მის როლს საქართველოს სახელმწიფოს სტრატეგიული განვითარების პროცესში; სტუდენტებს მიაწოდოს კონცეპტუალურად გააზრებული ინფორმაცია არქიტექტურისა და სახვითი ხელოვნების ნიმუშების, როგორც კულტურული მემკვიდრეობის ძეგლების, რაობის, მათი დაცვის და ადაპტაციის პრობლემატიკის შესახებ.

### **სამუზეუმო საქმე: თეორია და პრაქტიკა**

#### **Museology: History and theory**

კურსი სტუდენტებს გააცნობს მუზეუმების წარმოშობის სოციალურ და კულტურულ ასპექტებს. მის ფარგლებში მოხდება მუზეუმის, როგორც დინამიკური დაწესებულების, განხილვა პოლიტიკური, ეკონომიური და სოციალური ცვლილებების კონტექსტში; მუზეუმების სტრუქტურები და ფუნქციონირების, მუზეუმების შესახებ თანამედროვე თეორიების შესწავლა, საქართველოს მუზეუმების თანამედროვე მეთოდოლოგიური ანალიზი.

### **საკურატორო და საგამოფენო საქმე, პროექტის მენეჯმენტი - თეორია და პრაქტიკა**

#### **Curatorial and exhibition work; Projectmanagement – theorie and practise**

კურსის გავლის შემდეგ სტუდენტები აითვისებენ კულტურის მენეჯმენტის ძირითად მიმართულებებს, საკურატორო და საგამოფენო საქმეს, შეძლებენ პროექტების შედგენასა და განხორციელებას. სასწავლო კურსის განმავლობაში სტუდენტები შეისწავლიან კულტურის მენეჯმენტის ძირითად მიმართულებებს - ურთიერთობათა ტიპები, პროექტის მენეჯმენტი, საზოგადოებასთან ურთიერთობა, მარკეტინგი, კურატორული და საგამოფენო პრაქტიკა, პრეზენტაცია.

### **თანამედროვე ესთეტიკის აქტუალური პრობლემები**

#### **Actual problems of Contemporary Aesthetics**

კურსის ფარგლებში მაგისტრატები გაეცნობიან თანამედროვე სამყაროსათვის დამახასიათებელი ერთ-ერთი სპეციფიკური ნიშნის - საყოველთაო ესთეტიზაციის - ძირითად თავისებურებებს, რომელიც, პირველ რიგში, ასახვას პოვებს ასთეტიკურის-კლასიკური პარადიგმის ტრანსფორმაციაში. ტრანსესთეტიკურად მეოცე საუკუნის დასასრულის ესთეტიკური დისკუსიების ერთ-ერთ მთავარ დომინანტს ოცდამეერთე საუკუნის მხატვრულ-ესთეტიკური განვითარების პერსპექტივების მონიშვნა

წარმოადგენს. ამ მხრივ განსაკუთრებით საინტერესო აღმოჩნდება პოსტკოსტმოდერნიზმი - რომელიც დღეისათვის ყველაზე დამაჯერებელ პრეტენზიას აცხადებს ტექნოვირტუალისტიკის ტრანსსენტიმენტალიზმის სახით.

---

I მოდული

**საქართველო და ქრისტიანული სამყარო: ხუროთმოძღვრების ტიპოლოგიის საკითხები**

**Georgia and the Christian World: The architectural typology issues.**

კურსის მაგისტრანტებს მიაწვდის ფაქტობრივი მასალას ქრისტიანული ხუროთმოძღვრების ფორმირების, განვითარების თავისებურებების, არქიტექტურულ ტიპთა მახასიათებლების შესახებ; გამოკვეთს საქართველოს ხუროთმოძღვრების როლს აღმოსავლეთ ქრისტიანულ სამყაროში მიმდინარე პროცესებში; სხვადასხვა არქიტექტურული ტიპის ძეგლების განხილვის ფონზე წარმოაჩნდება ქრისტიანული აღმოსავლეთის ქვეყნების (ბიზანტია, სირია, სომხეთი) ხუროთმოძღვრებასთან ურთიერთმიმართების საკითხები.

**რელიქვიები და ხატები შუა საუკუნეების საქართველოში**

**Relics and Icons in Medieval Georgia**

სალექციო კურსი ხელოვნების ისტორიის სპეციალობაზე ბაკალავრიატის ზოგადი კურსის გავლის შემდგომ სტუდენტებს გაღრმავებულ, პროფესიულ ცოდნას მისცემს შუა საუკუნეების ქართული მხატვრული ტრადიციის განვითარების ისტორიისა და თავისებურებების თაობაზე, ხელს შეუწყობს მათში კვლევისა და მეთოდოლოგიური ჩვევების ჩამოყალიბებას. რელიქვიებისა და გამოსახულებათა თაყვანისცემის ტრადიცია, რელიქვიების ადგილი ბიზანტიაში, ქრისტიანულ აღმოსავლეთსა და საქართველოში, ურთიერთგავლენათა ნიშნები, მსგავსებები და განსხვავებები \_ ყოველივე ეს დღევანდელი მედიევსტიკისათვის აქტუალურ პრობლემათა რიგისაა.

**ქართული მინიატურა: ხელნაწერის წიგნის გაფორმების ტრადიცია / Georgian Miniature: Decoration of Manuscripts**

კურსი მოიცავს ქართული ხელნაწერი წიგნის მხატვრულ-დეკორატიული გაფორმების ისტორიას, მისი განვითარების ეტაპებსა და გზებს VII-XVIII სს, მიმართებას, ერთი მხრივ, შუა საუკუნეების ქრისტიანულ სამყაროსთან (წინა აღმოსავლეთი, ბიზანტია) და, მეორე მხრივ, ისლამურ სამყაროსთან (კერძოდ, ირანთან). ქართული ხელნაწერი წიგნი შეისწავლება გაფორმების ყველა ელემენტით, როგორც ერთიანი მხატვრული ორგანიზმი. კურსის მიზანია მიეცეს სტუდენტებს ქართული ხელნაწერი წიგნის გაფორმების პრინციპების შესახებ სისტემატიზირებული ცოდნა. სტუდენტები გაეცნობიან შუა

საუკუნეების ქართული ხელნაწერი წიგნის მნიშვნელოვან ნიმუშებს, დაცულს როგორც საქართველოს, ისე საზღვარგარეთის საცავებში, აგრეთვე ბიზანტიური და სომხური ხელნაწერი წიგნის ნიმუშებს, შეისწავლიან თითოეული მათგანისათვის ნიშანდობლივ მხატვრულ თავისებურებებს.

## **ფერწერული სკოლები შუა საუკუნეების საქართველოში**

### **Schools of Painting in Medieval Georgia**

ლექციათა წინამდებარე კურსის ფარგლებში სტუდენტები შეისწავლიან შუა საუკუნეების ქართულ მონუმენტურ ფერწერას; შუა საუკუნეების ქართული კედლის მხატვრობის ძეგლების განხილვის საფუძველზე დამოუკიდებელი მხატვრულ-იკონოგრაფიული ანალიზის უნარ-ჩვევების ჩამოყალიბება.

---

## **II მოდული**

### **უახლესი დროის სახვითი ხელოვნების სტრუქტურული ანალიზი/Structural Analysis of Modern Fine Art**

კურსის ფარგლებში მაგისტრანტები გაიღრმავებენ ცოდნას უახლესი დროის მხატვრობაში (XVIII საუკუნის 80-იანი წლებიდან – XXI საუკუნემდე). ეს, პირველ რიგში, მოხდება ამ პერიოდის სხვადასხვა მიმართულებებისა თუ ინდივიდების, მხატვრული მეთოდის მოაზრებით მხატვრულ ნიმუშთა სტრუქტურული ანუ წყობისეული ანალიზის საფუძველზე. ამდენად, მაგისტრანტი სტუდენტად აითვისებს მისი პროფესიისთვის ყველაზე მთავარ მეთოდოლოგიურ საფუძვლებს – მხატვრული მთლიანობის ანალიზს, იმ კავშირთა გამოვლენასა და წარმოჩენას რომელნიც განსაზღვრავენ მთელში ნაწილთა ურთიერთქმედებას და შესაბამისად მხატვრულ შინაარსს.

### **XX–XXI საუკუნის სცენოგრაფია. ეტაპები და ტენდენციები**

სასწავლო კურსის ფარგლებში XX–XXI საუკუნის სცენოგრაფიის ხელოვნების ევოლუციის სტილისტური თავისებურებების ანალიზია გათვალისწინებული. მსოფლიო და ქართული თეატრალურ-დეკორაციული ხელოვნების განვითარების მნიშვნელოვანი ეტაპების, მიმართულებებისა და ძირითადი კონცეფციების შესწავლა, ტრადიციული თუ ექსპერიმენტული ტიპის თეატრების სცენაზე განხორციელებული სცენოგრაფიული ნამუშევრების, საეტაპო მნიშვნელობის სპექტაკლების, ცნობილი პროექტების და სცენოგრაფიული ექსპერიმენტების განხილვა, თეატრალური არქიტექტურის, სცენის დიზაინის მიმდინარე პროცესების შეფასება.

## **კინოენის ჩამოყალიბება და განვითარება XX ს.-ის კულტურულ კონტექსტში/Cinema Language: Formation and Development in XX c Cultural Context**

კურსის ფარგლებში სტუდენტები XX ს.-ის კულტურაში მომხდარი ძირეულ ცვლილებებსა და მიმდინარე პროცესებს და ამ კონტექსტში კინოს, როგორც ახალი ვიზუალური კომუნიკაციის საშუალებას, გაეცნობიან, მოხდება კინოხელოვნების გავლენის ზოგად კულტურულ პროცესებზე და პირიქით, მასში ამ მოვლენათა რეფლექსირების საკითხთა განხილვა.

### **თანამედროვე ვიზუალური ხელოვნება**

#### **Contemporary visual art**

კურსი სტუდენტებს გააცნობს XX საუკუნის მეორე ნახევრის ევროპისა და აშშ-ს ხელოვნების წამყვან დარგებსა და მიმდინარეობებს - მხატვრობას, პლასტიკას, ობიექტს, პერფორმანსს, ვიდეოარტს, აბსტრაქტულ ექსპრესიონიზმს, ახალ რეალიზმს, პოპ-არტს, მინიმალ არტს, ლენდ არტს, კონცეპტუალურ ხელოვნებას და სხვ. სტუდენტები შეისწავლიან გამოჩენილ ხელოვანთა შემოქმედებას, მათ თეორიებსა და კონცეფციებს; გაეცნობიან როგორც ცალკეულ შემოქმედთა მოღვაწეობას, ასევე ე.წ. "მეორე მოდერნიზმის" ახალ ტენდენციებს, აქტუალურ სახელოვნებო პროცესებს, აღნიშნულ პერიოდში წარმოქმნილ სკოლებსა და დაჯგუფებებს, მათ მნიშვნელობასა და ზეგავლენას თანამედროვე ხელოვნების განვითარებაზე.

### **პოსტმოდერნიზმი**

#### **Postmodernism**

სასწავლო კურსის ფარგლებში სტუდენტები შეისწავლიან პოსტმოდერნისტული ეპოქის კულტურისა და ხელოვნების ძირითად სფეროებს, ტენდენციებს და თავისებურებებს; გაეცნობიან პოსტმოდერნიზმის ჩამოყალიბების ისტორიას და მის განვითარებას სხვადასხვა ქვეყნებში; პოსტმოდერნისტული კულტურის მნიშვნელოვანი წარმომადგენლების შემოქმედებას; შეისწავლიან თუ როგორ აისახა პოსტმოდერნიზმი ხელოვნების სხვადასხვა დარგებზე (არქიტექტურა, მხატვრობა, პლასტიკა, ახალი მედიები და სხვ.); გაეცნობიან პოსტმოდერნისტულ კონცეფციებსა და თეორიებს.

---

### **III მოდული**

#### **კანონმდებლობა კულტურული მემკვიდრეობის დაცვის სფეროში**

#### **Legislation of Cultural Heritage**

სასწავლო კურსი ფარგლებში გათვალისწინებულია კულტურული მემკვიდრეობის სფეროში არსებული ეროვნული და საერთაშორისო კანონმდებლობის, ნორმატიული და კანონქვემდებარე აქტების გაცნობა, სამუზეუმო ეთიკის ნორმებისა და სტანდარტების, სამუზეუმო დაწესებულებისა და კოლექციების მართვის, დაცვის, დაზღვევისა და სხვა ნორმატიული აქტების სათანადოდ გამოყენების შესწავლა. კურსი შეისწავლის აგრეთვე ისეთ საკითხებს, როგორცაა: საავტორო უფლებები, პუბლიკაციები, სახელმწიფო და საერთაშორისო კანონმდებლობა სამუზეუმო სფეროში, კულტურული მემკვიდრეობის საერთაშორისო ორგანიზაციების (ICOM, ICOMOS, ICOM-CC და სხვ.), ეთიკის ნორმები, დაზღვევისა და გადასახადების ფორმები

### **კოლექციების მოვლა, პრევენციული კონსერვაცია** **Caring of Collections-preventive conservation**

სტუდენტები შეისწავლიან კონსერვაციისა და რესტავრაციის ისტორიას, მიზნებს, მნიშვნელობას, სამუზეუმო ექსპონატების სტრუქტურულ აგებულებას, დაზიანების გამომწვევ სავარაუდო მიზეზებს და მათი თავიდან აცილების გზებს, თანამედროვე ეროვნულ და საერთაშორისო სამუზეუმო სივრცეში აპრობირებულ გამოცდილებას კონსერვაციისა და რესტავრაციის სფეროში. ამასთანავე, სტუდენტები გაეცნობიან სამუზეუმო ექსპონატების კონსერვაციისა და რესტავრაციის პროცესში გამოყენებული მასალების სპეციფიკას, ექსპონატებთან მოპყრობის (შენახვა, შეფუთვა, ტრანსპორტირება, ექსპონირება, კვლევა და სხვა) წესებს საერთაშორისო პროფესიული ეთიკის ნორმების გათვალისწინებით.

### **არტ-მენეჯმენტი (თეორია და პრაქტიკა)**

#### **Art management: theory and practice**

სასწავლო კურსის ფარგლებში სტუდენტები შეიძენენ პროფესიულ ცოდნას ხელოვნების ინსტიტუციების მართვის თეორიასა და პრაქტიკაში, გაეცნობიან იმ მოვლენებისა და აქტივობების სისტემებს, რომელთა საფუძველზე იქმნება პირობები და გარემო კულტურისა და ხელოვნების განვითარებისათვის. სტუდენტი გაეცნობა აგრეთვე კულტურის პოლიტიკის პარამეტრებს, მის მოდელს და ფორმირების ეკონომიკურ, სოციალურ, ეთიკურ და სამართლებრივ ინსტრუმენტებს, კულტურის სფეროს დაფინანსების ფორმებს, საბაზრო ეკონომიკის პირობებში არტ-მენეჯმენტის განვითარების ძირითად კანონებსა და პრინციპებს.

### **კულტურის დაწესებულებების მარკეტინგი**

#### **Marketing in Cultural Institutions**

კურსის სტუდენტებს გააცნობს კულტურის დაწესებულებების მარკეტინგსა და საზოგადოებასთან ურთიერთობების იმ ძირითად მექანიზმებსა და ნორმებს, რომლებიც ამ ტიპის თანამედროვე ინსტიტუციების მენეჯმენტის ერთ-ერთ განუყოფელ ნაწილს

წარმოადგენს. კურსი სტუდენტებს გააცნობს მარკეტინგის მნიშვნელობას კულტურის დაწესებულებებისათვის, მის სპეციფიკას და განსხვავებას სხვა ბიზნეს-დაწესებულებების მარკეტინგის პოლიტიკისაგან, თანამედროვე წარმატებული კულტურის ინსტიტუციების - მუზეუმების, გალერეების, თეატრალური, საკონცერტო და სხვა შემეცნებით-გასართობი დაწესებულებების მაგალითებზე.

## **სამუზეუმო პრაქტიკა**

### **Intership**

სასწავლო კურსის ამოცანაა სამუზეუმო პრაქტიკის საფუძველზე სტუდენტს უშუალოდ გააცნოს მუზეუმების საქმიანობის ყველა კონკრეტული მიმართულება თბილისისა და საქართველოს სხვადასხვა მუზეუმებში პრაქტიკის გავლით, კოლექციებისა და მიმდინარე გამოფენების ადგილზე გაცნობით, სტუდენტების აქტიურად ჩართვით სამუზეუმო პროექტების განხორციელებაში, მუზეუმებში გამოფენების მოწყობით და სხვადასხვა სახის სამუშაოების შესრულებით. კურსი ითვალისწინებს პრაქტიკული უნარ-ჩვევების გამომუშავებას მუზეუმებში სხვადასხვა ტიპის სამუშაოების შესრულების საქმეში, რაც ხელს შეუწყობს სტუდენტთა აქტიურ ჩართვას და ადაპტირებას სამუზეუმო ცხოვრებაში, მათ პროფესიულ დაოსტატებას და კვალიფიკაციის ამაღლებას.

---

**აღმოსავლეთი \_ დასავლეთი: მხატვრული სახის ტრანსფორმაცია დროსა და სივრცეში.**

### **East-West-Transformation of the Images in the time and space.**

სასწავლო კურსის ისლამური ხელოვნების ერთ-ერთი უბრწყინვალესი პერიოდის – სეფიანური ხანის მაგალითზე წარმოადგენს დასავლურ-აღმოსავლურ კულტურულ ურთიერთობებს, მათ გავლენას ირანული ხელოვნების ვიზუალურ სახეებსა და ტრადიციულ ხელოვნების დარგებზე. მათი ტრანსფორმაციისა და ადგილობრივ სახვით ტრადიციებთან ადაპტაციის პროცესს. კურსის მსვლელობისას იქნება მსჯელობა ქართულ ირანულ კულტურულ ურთიერთობებსა და ე.წ. ეკლექტური, ანუ ქართული დაზგური ფერწერის სკოლის შესახებ. სასემინარო მუშაობისას სტუდენტებს განუვითაროს მასალის მხატვრულ-სტილისტური ანალიზის და არგუმენტირებული მსჯელობის უნარი.

### **დროებითი გამოფენების მოწყობა მუზეუმებში**

#### **Temporary Exhibitions in Museums**

სასწავლო კურსი სტუდენტებს გააცნობს მუზეუმებში დროებითი გამოფენების დაგეგმვის, მოწყობისა და ინტერპრეტაციის თანამედროვე მეთოდებს, პრინციპებს, მიმართულებებს და სტრატეგიას თანამედროვე საერთაშორისო გამოცდილების გათვალისწინებით, თეორიული (საგამოფენო პოლიტიკა, ექსპონირების, ინტერპრეტირების მეთოდები და საშუალებები, გამოფენების მომზადების პროცესი) და პრაქტიკული ასპექტების

(საქართველოს მუზეუმების კოლექციების და მიმდინარე გამოფენების გაცნობა, სტუდენტების აქტიურად ჩართვას მუზეუმებში საგამოფენო პროექტების შემუშავებაში, განხორციელებასა და ინტერპრეტაციაში) გამოყენებით.

## **საქართველოს მუზეუმების კოლექციები**

### **Georgian Museums**

სასწავლო კურსის ფარგლებში სტუდენტები შეიძენენ პროფესიულ ცოდნას საქართველოში არსებული მუზეუმების დაფუძნების მოკლე ისტორიისა და მათში დაცული სხვადასხვა ტიპის კოლექციების შესახებ. განხილული და გაანალიზებული იქნება საქართველოს მუზეუმების ყველა ტიპის კოლექციები (სახვითი ხელოვნება, ისტორიული, ყოფითი, ეთნოლოგიური, საბუნებისმეტყველო, სამეცნიერო კოლექციები), თითოეული კოლექციის წარმომავლობა და დაცულობა. კურსი ზოგად წარმოდგენას შეუქმნის სტუდენტებს საქართველოს მუზეუმებში დაცული კოლექციების ტიპებზე და მათ მნიშვნელობაზე ეროვნული კულტურული მემკვიდრეობის შესწავლისა და პოპულარიზაციისათვის.

## **სამუზეუმო კოლექციების მართვა**

### **Management of Museum collections**

კურსი მაგისტრანტებს შეასწავლის თანამედროვე თეორიებს, მეთოდოლოგიებს, ნივთების შეგროვების, კოლექციების შექმნის, გამოფენების მოწყობის შესახებ. კურსი დაიყოფა ორ ნაწილად თეორიულ და პრაქტიკულ ნაწილებად. თეორიულ ნაწილში საუბარი იქნება იმაზე თუ როგორ ხდება ცოდნის გადაცემა, ხოლო პრაქტიკულ ნაწილში სტუდენტები გაეცნობიან დოკუმენტაციის შედგენის, მენეჯმენტის პრინციპებს. საუბარი იქნება სხვადასხვა ტიპის მუზეუმების კოლექციებზე - სახვითი, საბუნებისმეტყველო, ტექნოლოგიური და სხვ.

## **პოსტმოდერნისტული კულტურა და კინემატოგრაფი/Postmodern Culture and Cinematography**

კუსი განიხილავს XX ს.-ს მეორე ნახევრიდან დღემდე კულტურაში გამოკვეთილი ტენდენციებს; პოსტმოდერნიზმს ხასიათება და მისი თავისებურებების გამოვლენას კინემატოგრაფიაში.

## **ფიროსმანის მხატვრული სამყარო / Pirosmani's Art**

განხილული იქნება ნიკო ფიროსმანაშვილის შემოქმედება და მასთან დაკავშირებული პრობლემატიკა. კერძოდ, ის ისტორიულ-კულტურული გარემო, რომელიც არსებითია, ზოგადად, საქართველოსთვის და, კერძოდ, XIX საუკუნის ბოლო მეოთხედისა და XX საუკუნის I ათწლეულების ქართული კულტურისათვის. ნაჩვენები იქნება ის ნიადაგი,

რომელიც განაპირობებს ფიროსმანაშვილის მხატვრულ სამყაროს. ნაჩვენები იქნება მისი გაჩენის ლოგიკა და, ამასთან, მისი შემოქმედების უნიკალურობა. მთავარი ადგილი დაეთმობა მისი ნაწარმოებების სახელოვნებათმცოდნეო ანალიზს.

### **თანამედროვე ქართული ქანდაკება/ Modern Georgian Sculpture**

კურსის ფარგლებში გათვალისწინებულია თანამედროვე ქართული მონუმენტური ქანდაკების თავისებურებისა და მისი განვითარების გზების შესწავლა. არჩევითი კურსი – „თანამედროვე ქართული მონუმენტური ქანდაკება“, რომელიც განკუთვნილია ჰუმანიტარული ფაკულტეტის ხელოვნების ისტორიისა და თეორიის მიმართულების მაგისტრატურის საფეხურის სტუდენტებისათვის, დამამთავრებელი ნაწილია ქართული ქანდაკების ისტორიისა. მასში განხილულია გამოჩენილი ქართველი მოქანდაკეების – იაკობ ნიკოლაძის, თამარ აბაკელიას, ელენე მაჩაბლის, კოტე მერაბიშვილის, მერაბ ბერძენიშვილის, ელგუჯა ამაშუკელის, ჯუნა მიქაძის, თ.კიკალიშვილის, ბიძინა ავალიშვილის, გ. ჯაფარიძისა და სხვათა შემოქმედება.

### **საგანმანათლებლო პროგრამები მუზეუმებსა და გალერეებში**

#### **Museum Education**

სასწავლო კურსის ფარგლებში სტუდენტები შეიძენენ პროფესიულ ცოდნას 21-ე საუკუნის მუზეუმების აუცილებელი კომპონენტის – სამუზეუმო განათლების სფეროში. გაეცნობიან იმ აქტივობების სისტემებს, რომელთა საფუძველზეც მუზეუმში იქმნება პირობები, როგორც მნახველთა ესთეტიკური ტკბობისათვის, ასევე სოციალურად აქტიურ ადამიანთა თავშეყრის ადგილად გარდასაქმნელად, სადაც ხორციელდება მრავალფეროვანი და მრავალფუნქციური სასწავლო პროგრამები ყველა ტიპის სოციალური, ეთნიკური და ასაკობრივი ჯგუფებისათვის. კურსის მსვლელობისას სტუდენტები ასევე შეისწავლიან ასეთი პროგრამების აგების მთავარ პრინციპებს, მათ შემადგენელ ელემენტებსა და მუშაობის მექანიზმებს.

### **საკრალური სივრცის პრობლემა წინაქრისტიანული არქიტექტურაში**

#### **The Problem of Sacred Space in Ancient Architecture**

კურსის მისცემს სტუდენტს ცოდნას ამიერკავკასიის, ახლო აღმოსავლეთის, ხმელთაშუა ზღვისპირეთის რეგიონის არქიტექტურის განვითარების უძველესი პერიოდების შესახებ. კურსის საგანს წარმოადგენს როგორც ხსენებული არეალის საცხოვრებელი არქიტექტურის უძველესი ფორმები, ასევე მონუმენტური საკულტო ხუროთმოძღვრების განვითარების უადრესი საფეხურები და მათთვის დამახასიათებელი კონსტრუქციული სისტემები, შენობათა კომპოზიციური ფორმები, ამ ფორმების გავრცელების გეოგრაფიული არეალები, ქრონოლოგიური ჩარჩოები.

### **საქართველოს ქალაქების არქიტექტურა/ Architecture of Georgian Cities**



მაგისტრანტები შეისწავლიან და სათანადოდ დაამუშავებენ ქართული ქალაქების შესახებ არსებულ ლიტერატურას, უძველესი დროიდან XX საუკუნის დასაწყისამდე. ლექციების მიზანია სრულად და სისტემატურად გაშუქდეს ქართული ქალაქების ისტორია. არსებულ ლიტერატურაზე და საარქივო მასალებზე დაყრდნობით შეისწავლონ ქალაქების ხუროთმოძღვრების განვითარება. როგორ ყალიბდება ქართული ქალაქური არქიტექტურა. რა რჩება ტრადიციული და რა შემოდის ევროპიდან და აზიიდან. ფორმაციათა ცვლილებები რა გავლენას ახდენს ქალაქური ხუროთმოძღვრების განვითარებაზე.

## **ფოტოგრაფიის ისტორია**

### **History of photography**

კურსი სტუდენტებს გააცნობს ფოტოგრაფიის ისტორიას XIX-საუკუნიდან დღემდე. სტუდენტები შეისწავლიან ფოტოგრაფიის წარმოშობის ისტორიას, მის შემდგომ განვითარებას, ძირითად მიმართულებებს, სკოლებსა და მათ წარმომადგენლებს, გამოჩენილი ფოტოხელოვანების შემოქმედებას, თანამედროვე ფოტოხელოვნებაში არსებულ წამყვან ტენდენციებს, ფოტოგრაფიის გავლენას თანამედროვე ხელოვნებაზე; თანამედროვე ხელოვნებისა და ფოტოგრაფიის კავშირებს; სასწავლო კურსი ითვალისწინებს ასევე საქართველოში ფოტოგრაფიის განვითარების ისტორიის გაცნობას და მის განხილვას დასავლეთის თანამედროვე ხელოვნებასთან მიმართებით.

## **ბიზანტიური ცივილიზაცია (ძირითადი მახასიათებლები და თავისებურებანი)**

### **The Byzantine Civilisation (Main Characteristics and Peculiarities)**

კურსის შესწავლა მიზნად ისახავს ბიზანტიის სახელმწიფოსა და ბიზანტიური საზოგადოების დამახასიათებელი თავისებურების, აღმოსავლეთ მედიევალური ქრისტიანული სამყაროს შესახებ, თანამედროვე მედიევისტის მიღწევათა საფუძველზე სრულყოფილი წარმოდგენის შექმნას. ბიზანტიური სახელმწიფოს მართვის სისტემის, სამართლის, დიპლომატიის შესწავლა. საერო და სასულიერო ხელისუფლებათა ურთიერთდამოკიდებულების თავისებურებათა შესწავლა; სახელმწიფოსა და ეკლესიის ურთიერთდამოკიდებულება. საეკლესიო ლიტურგია და სამეფო ხელისუფლება. ბიზანტიური აზროვნების ფორმა და მისი თავისებურებანი; ბიზანტია და ისლამური სამყარო; ბიზანტია და კათოლიკური სამყარო. ბიზანტიური ფენომენი თანამედროვე დიპლომატიისა და აზროვნებაში.

## **კულტურა და რელიგია კავკასიაში**

### **Caucasian religion and culture**

კურსი კავკასიაში კულტურებისა და რელიგიების გავრცელების თანამედროვე სურათისა და ისტორიული დინამიკის წარმოდგენას, მიმდინარე პროცესების კულტურული და რელიგიური საფუძვლების ჩვენებას, კავკასიის ეთნიკურად და კონფესიურად ჭრელ

რეგიონში მიმდინარე პროცესებში ორიენტირების უნარის გამომუშავებას ისახავს მიზნად. კურსი მოიცავს კავკასიაში რელიგიისა და კულტურის პრობლემებთან დაკავშირებულ ძირითად ცნებებსა და კონცეფციებს. სტუდენტები უნდა დაეუფლონ კვლევის თეორიულ და მეთოდოლოგიურ საფუძვლებს, შეეძლოთ პრობლემის დასმა, ინფორმაციის შეკრება და დამუშავება.